



Pou Piblikasyon Imedya: 07/08/2023

GOUVÈNÈ KATHY HOCHUL

GOUVÈNÈ HOCHUL ANKOURAJE NOUYÒKÈ YO POU YO PREPARE POU GWO ENPAK MOVE NAN TOUT ETA NEW YORK LENDI RIVE MADI

Tout Eta jodi a te kapab wè lapli ekesif ak van ki ka lakoz domaj ak posiblite pou blakawout ak inondasyon toudenkou

Kèk pati nan Southern Tier ak rejyon Lwès Mid-Hudson prevwa fè fas ak plizyè tanpèt ak gwo lapli ki kapab pote menas yon toubiyon izole posib

Nouyòkè yo ta dwe kontwole previzyon lokal yo, prepare fwaye yo ak machin yo pou konsekans move tan, pran anpil prekosyon lè y ap vwayaje espesyalman toupre wout ak enfrastrikti ki inonde yo

Gouvènè Kathy Hochul jodi a te ankouraje Nouyòkè yo pou yo prepare pou move tan ki kòmanse pita jodi a, pandan tanpèt loraj ap pote lapli ekssif, van ki ka lakoz domaj a posobilite pou tònad izole yo prevwa atravè eta a. Inondasyon toudenkou ak blakawout posib nan kote ki vilnerab yo. Kèk pati nan Southern Tier ak rejyon lwès Mid-Hudson prevwa fè fas ak van ki pi fò, tankou posiblite pou yon tònad izole nan aswè a. Madi, yo prevwa gwo loraj prevwa enpakte zòn lès I-87 ak lapli ekssif, inondasyon toudenkou, ak van i kapab lakoz domaj yo prevwa pou zòn ki sitou nan nò I-90. Gouvènè Hochul te mande administrasyon li a pou l prepare pou enpak move tan epi pou l pare pou sipòte ofisyèl lokal yo ak repons pou ijans yo. Nouyòkè yo ta dwe kontwole previzyon lokal yo, prepare fwaye yo ak machin yo pou move tan, epi pran plis prekosyon lè y ap kondwi, espesyalman toupre wout ki kapab inonde yo.

"Yon sistèm metewolojik fò prevwa enpakte eta jodi a ak gwo lapli ak gwo van, espesyalman nan kèk pati nan Southern Tier ak rejyon lwès Mid-Hudson Valley, epi move tan ki pi grav prevwa enpakte lòt rejyon yo nan nò eta a nan Madi", **Gouvènè Hochul te deklare.** "Administrasyon mwen an konplètman prepare pou reponn ak nenpòt ijans ki gen rapò ak move tan epi pou ede patnè gouvènman lokal nou yo. Mwen egzòte tout Nouyòkè yo pou yo siveye previzyon metewo yo ak anpil atansyon semèn sa a epi pou yo prepare yo pou yo aji, si sa nesèsè, pou pwoteje tèt ou ak lòt moun."

Pou kapab jwenn yon lis konplè sou alèt ak previzyon meteyo yo, vizite sit entènèt Sèvis Meteyowolojik Nasyonal (National Weather Service) la nan <https://alerts.weather.gov>. Nou ankouraje Nouyòkè yo pou yo enskri pou NY Alert,

sistèm alèt ijans gratis Eta a, nan alert.ny.gov. Yo ka voye enfòmasyon ijans konte pa konte pa tèks oswa imèl.

Komisè Divizyon Sekirite Teritwa ak Sèvis pou Ijans Eta New York la, Jackie Bray, te deklare, "Gen plis tanpèt ete ki sou wout jodi a pou demen. Siveye depre previzyon an epi prepare kounye a pou ou ka pran mezi an ka ta gen yon ijans inondasyon oswa tònad."

Preparasyon Ajans Eta yo

Divizyon Sekirite Teritwa ak Sèvis pou Ijans yo (Division of Homeland Security and Emergency Services) nan Eta New York

Sant Operasyon Ijans Divizyon Sekirite Teritwa ak Sèvis pou Ijans Eta New York la ap kontwòle tan ak kondisyon depasman yo, epi kowòdone tout bezwen repons yo ak gouvènman lokal yo. Ekip Jesyon Ensandi ak Ijans Eta a prepare pou reponn avèk pèsònèl ak resous yo, nan ka ta gen inondasyon sibat.

Depatman Transpò (Department of Transportation, DOT) Eta New York la

Depatman Transpò Eta a prepare pou reponn ak evènman meteyo avèk prèske 3,500 operatè ak sipèvizè ki disponib nan tout eta a. Kantite ekipman ki genyen nan tout Eta a repati konsa:

- 1,393 gwo kamyon abèn baskil
- 317 gwo chajè
- 84 dechiktèz
- 77 ekskavatis ak wou ak cheniy
- 30 platfòm tou trafik
- 21 kamyon aspiratè ak jè egou
- 14 ekip pou pyebwa avèk kamyon nasèl

Otorite Thruway

Anplwaye Otorite Thruway (Thruway Authority) ap siveye depre sitiwayon meteyo a epi yo ap enspekte pWo-aktivman drenaj tanpèt yo atravè sistèm nan, asire ke ekipman yo pare pou reponn ak nenpòt pwoblèm ki gen rapò ak van oswa inondasyon, epitou verifye ranp wòch yo nan zòn ki prevwa gen gwo lapli yo. Otorite Thruway la genyen 653 operatè ak sipèvizè ki prepare avèk eskavatis ki piti pou rive nan sa ki gen tay mwayen, kamyon chasnèj/baskil yo, gwo kamyon chajè yo, pano VMS pòtab yo, poto limyè pòtab yo, jeneratis ki pi piti yo, ponp ki pi piti ak trelè pou transpòte ekipman yo, ansanm ak aparèy siyalizasyon ak lòt aparèy kontwòl sikilasyon ki disponib pou nenpòt detou oswa fèmti yo. Yo itilize Pano pou Mesaj Varyab (Variable Message Signs) ak rezo sosyal yo pou avèti otomobilis yo sou kondisyon move tan pandan yo sou Thruway la.

Otorite Thruway (Thruway Authority) a ankouraje otomobilis yo telechaje [aplikasyon mobil](#) li a ki disponib pou telechaje gratis sou aparèy [iPhone](#) ak [Android](#)yo. Aplikasyon an bay otomobilis yo aksè dirèk ak kamera sikilasyon yo nan tan reyèl, enfòmasyon sou

sikilasyon an nan tan reyèl, ansanm avèk asistans pou navigasyon pandan yo sou wout. Otomobilis yo ka enskri tou pou imèl [TRANSalert](#) ki bay dènye kondisyon sikilasyon yo sou otowout Thruway, suiv [@ThruwayTraffic](#) sou X (anvan sa yo te rele li Twitter), epi vizite [thruway.ny.gov](#) pou wè yon kat anime k ap montre kondisyon sikilasyon an sou otowout Thruway ansanm avèk lòt wout Eta New York yo.

Depatman Konsèvasyon Anviwònmanal Eta New York la

Ofisye Lapolis Pwoteksyon Anviwònmanal DEC yo, Gad Forè yo, anplwaye Jesyon Ijans yo, ak anplwaye rejyonal yo nan eta dalèt epi yo ap siveye sitiyasyon ki ap devlope a ak previzyon metewo yo epi yo aktivman ap fè patwouy nan zòn ak enfrastrikti ki gen anpil chans pou yo afekte poutèt move tan. Tout resous ki disponib yo, ki gen ladan ekip rapid pou sovtaaj nan dlo yo nan pozisyon pou yo ede nan nenpòt repons ijans.

Avèk posiblite pou gwo lapli, yo konseye randonè yo nan Adirondacks pou evite tanporèman tout santye ki gen altitud wo yo ak santye ki travèse rivyè ak kouran dlo yo. N ap ankouraje randone yo tcheke [Paj Web Enfòmasyon sou zòn Kanpay Adirondack la](#) pou mizajou sou kondisyon santye yo, fèmti sezonye yo, ak enfòmasyon lwazi jeneral pou Adirondacks yo, sitou apre inondasyon ki sot pase yo.

Biwo Pak, Lwazi ak Prezèvasyon Istorik (Office of Parks, Recreation and Historic Preservation, OPRHP) nan Eta New York

Lapolis Pak Eta New York ak anplwaye pak yo rete alèti epi y ap swiv depre kondisyon metewolojik ak enpak yo. Vizite pak yo ta dwe vizite [parks.ny.gov](#), tcheke aplikasyon mobil gratis [NY State Parks Explorer](#) oswa rele biwo pak lokal yo pou yo jwenn dènye nouvèl konsènan lè fonksyonman pak yo, lè ouvèti ak fèmti yo.

Depatman Sèvis Piblik nan Eta New York

Sèvis piblik New York yo genyen apeprè 5,500 travayè disponib pou angaje nan evalyasyon domaj, efò entèvansyon, reparasyon ak restorasyon atravè Eta New York, pou evènman sa a. Pèsonèl ajans lan ap swiv travay sèvis piblik yo pandan tout evènman an epi sire sèvis piblik yo voye anplwaye apwopriye yo nan rejyon ki gen pi gwo enpak yo.

Lapolis Eta New York

Lapolis Eta a prepare pou li deplwaye manm Patwouy anplis, jan sa nesesè, pou ede zòn ki afekte yo. Tout veyikil Lapolis Eta a ki espesyalize yo, tankou veyikil kat-pa-kat ak veyikil itilite yo (UTV) deja an pozisyon epi yo prè pou yo reponn imedyatman. Yo te teste tout ekipman alimantasyon elektrik ak ekipman kominikasyon ijans Twoup la yo.

Konsèy Sekirite pou Move Tan

Founiti nan Ka Katastwòf

Kenbe twous katastwòf la sou men, avèk ladan:

- Flach ak pil siplemantè

- Radyo ki fonksyone ak batri ak batri ekstra yo
- Twous premye swen ak manyèl
- Manje ak dlo pou ijans
- Kle ki pa elektrik pou ouvri kanèt yo
- Medsin esansyèl yo
- Chekye, lajan kach, kat kredi, kat ATM

Inondasyon Eklè

- Pa janm eseye kondi nan yon wout ki inonde. Vire tounen epi fè yon lòt wout.
- Si dlo a kòmanse monte rapid bò kote ou, abandone machin lan imedyatman.
- Pa souzestime pwisans destriksyon dlo k ap kouri vit. De pye dlo inondasyon k ap kouri rapid pral fè machin ou flote epi dlo k ap kouri ak yon vitès 3.2 kilomèt pa èdtan ka pote ale machin ki sou wout oswa sou yon pon.

Zeklè

- Swiv enstwiksyon 30-30: Si tan ant moman ou wè ekla zeklè an epi koute kout loraj la se 30 segonn oswa mwens, kout zèklè an pre ase pou li frape ou. Chècheabri imedyatman. Apre dènye ekla zeklè an, rete tann 30 minit anvan ou soti nanabri ou an.
- Kout zèklè yo frape bagay ki pi wo an. Si ou sou yon liy pye bwa, kouri ale anba l epi kwoupi si ou nan yon zòn ki ekspoze.
- Si ou pa kapab ale nan yonabri, rete lwen pye bwa yo. Si pa genabri, kwoupi nan zòn ki ekspoze, epi rete lwen a yon distans doub fwa longè pye bwa a.

Tònad

- Si ou deyò, epi yo pibliye yon Avètisman Tònad, chècheabri imedyatman. Si w pa gen okenn kote tou prè w pou w mete w alabri, kouche plat atè nan yon fose oswa yon kote ki ba epi mete men w sou tèt ou.
- Si ou lakay ou oswa nan yon ti bilding, ale nan sousòl lan oswa nan yon pyès pa andedan nan etaj ki pi ba a. Pa kanpe bò fenèt yo. Plaka, chanm deben, ak lòt espas chanm enteryè yo ap pwoteje w pi byen. Antre anba yon bagay ki solid oswa kouvri tèt ou ak yon matla.
- Si ou nan yon lekòl, yon lopital, oswa yon sant komèsyal, ale nan zònabri yo deziyen alavans lan. Pa kanpe nan espas ouvè ki laj yo aswa bò fenèt yo. Pa soti deyò pou al nan machin ou.
- Si ou nan yon bilding ki wo anpil, ale nan yon ti pyès pa andedan oswa nan koulwa nan etaj ki pi ba posib lan. Pa pran asansè — pran eskalye pito.

Pou jwenn plis enfòmasyon sou preparasyon pèsònèl ak kijan pou rete an sekirite pandan move tan vizite: dhss.gov/safety.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)